

# Ishonch

2022 йил  
27 январь  
ПАЙШАНБА  
№ 12  
(4608)

Ўзбекистон касба уюшмалари Федерацияси нашри • Газета 1991 йил 21 мартдан  
чиқа бошлаган • www.ishonch.uz • e-mail: ishonch1991@yandex.uz



## Кун нафаси

Ўзбекистон Республикаси Президенти Шавкат Мирзиёев 27 январь куни видеоанжуман шаклида ўтадиган «Ҳиндистон – Марказий Осиё» биринчи саммитида иштирок этади.

Президент Шавкат Мирзиёев раислигида 26 январь куни Ўзбекистоннинг 2022-2026 йилларга мўлжалланган тараққийёт стратегиясини белгилаш ҳамда уни жорий йилда амалга ошириш масалалари муҳокамаси юзасидан видеоселектор йиғилиши ўтказилди.

Давлатимиз раҳбари «Эндокринология хизматини такомиллаштириш ва кўламини кенгайтириш чора-тадбирлари тўғрисида»ги қарорга имзо чекди.



Ўзбекистон Республикаси Бош вазирининг ўринбосари – инвестициялар ва ташқи савдо вазири Сардор Умуриқов Покистон Ислам Республикаси Бош вазирининг савдо ва инвестициялар бўйича маслаҳатчиси Абдул Разоқ Довуд билан видеоконференция шаклида музокаралар ўтказди.



Соғлиқни сақлаш вазириликда Туркиянинг мамлакатимиздаги Фавкулда ва мухтор элчиси Олган Бекар билан бўлиб ўтган учрашувда ўтган даврда тиббиёт соҳасидаги ўзаро ҳамкорлик натижалари ҳамда келгусидаги режалар муҳокама этилди.

Ҳиндистоннинг Интеграл университети асосчиси ва ректори Сеидом Васеём Ахтар бошчилигидаги делегация Бухорога ташриф бурди.

Исроил давлати мамлакатимизга COVID-19дан ҳимояланиш воситалари ва тиббий жиҳозлардан иборат инсонпарварлик ёрдамини кўрсатди.

Абдулла Азизов «Олмалик кон-металлургия комбинати» АЖ бошқаруви раисининг рақамлаштириш бўйича ўринбосари этиб тайинланди.



Жорий йилнинг 17-25 январь кунлари камондан отиш бўйича Россиянинг Орёл шаҳрида бўлиб ўтган халқаро турнирда зафар кучган спортчиларимиз тантанали кутиб олинди.

Кўзи ожиз пиёдалар учун қулайлик яратиш мақсадида Самарқанд шаҳридаги Садриддин Айний кўчасига илк бор овозли светофор ўрнатилди.

Интернет хабарлари асосида тайёрланди



Самарқанд вилояти

Фаолият


## МУРОЖААТЛАР МУНДАРИЖАСИ ҚАНДАЙ?

Ўзбекистон касба уюшмалари Федерациясининг Самарқанд вилояти кенгашига 2021 йил мобайнида 437 тадан ортиқ ариза келиб тушган. Таҳлилга кўра, уларнинг 95 таси ҳуқуқий ҳимоя, 56 таси ижтимоий-иқтисодий манфаатларга доир. Меҳнат ҳуқуқи бузилишига оид мурожаатларнинг эса аксарияти таълим ва соғлиқни сақлаш тизими ходимларидан қабул қилинган.

Таълим тизимида ишловчи пайариқлик Комил Ражабов иш жараёнида муаммага дуч келади. Унинг мурожаати тармоқ касба уюшмаси туман кенгаши томонидан ўрганилиб, ижобий ҳал этилди.

Шу соҳада меҳнат қилаётган қўшрабатлик Умида Мустафоева иш ҳақи ва бошқа тўловлар ундирилиши юзасидан ёрдам сўраган. Касба уюшмалари аралашуви билан Умидага тўланиши пайсалга солинаётган маблағлар ундириб берилди.

Гулноз Отабоева эса ҳомиладорлик таътилидан сўнг ўз иш ўрнига қайта олмаётганини билдирган эди. Тизим касба уюш-



маси талаби билан у Нуробод тумани тиббиёт бирлашмасига қарашли оилавий шифокорлик пунктида иш бошлади.

Мурожаатлар мундарижасида бундай мисоллар кўп. Ҳар бир хат эътибор ва қўл билан ўрганиляпти.

**Зоҳид ЯНГИБОЕВ,**  
Ўзбекистон касба уюшмалари Федерациясининг Самарқанд вилояти кенгаши Мурожаатлар билан ишлаш бўлими бош мутахассиси



Фарғона вилояти

Оғриқ тишлар

## СУВГА КЕТИБ...

### Капаянгиликларга ваъда эмас, обиҳаёт керак!

Капаянги – Бешариқ тумани марказидан 20 километр узоқликдаги қишлоқ. Қишлоқ аҳли асосан деҳқончилик ва чорвачилик билан шуғулланади. Бир қарашда ҳаммаси рисоладагидек кўринган бу қишлоқда аҳолини қийнаб келаётган муаммолар ҳам бор. Узоқ йиллардан бери қишлоқнинг Устозлар ва Бойтўпи кўчасида яшовчилар учун тоза ичимлик сув ташиб келиш чинакам машаққатга айланган.

Айни пайтда ушбу кўчаларда бир ярим минг нафар аҳоли яшайди. Улар ўтган асрнинг 60-йилларида қазилган яккаюягона қудуққа навбатга туриб, сув ташиб ичишади. Қудуқ атрофидан кечяо кундуз одам аримайди. Аҳоли машина, эшак арава, замбил, велосипедда пақир, елим идиш, пластмасса ва темир флягаларда сув ташийди.


Қишлоқ нуронийлари қишлоққа камиди яна битта сув қудуғи зарурлигини айтиб ва кўчаларга обиҳаёт тармоғи тортилишида кўмак сўраб, кўп жойларга мурожаат қилишган. Аммо арзлари эътиборсиз қолиб кетди. Бир сафар «2015 йилда дастурга

тушгансизлар» деган жавобни олишганда, қишлоқ аҳли роса суюнганди... Аммо, мана, 2022 йил ҳам бошландики, қишлоққа сув тармоғини тортишдан дарак йўқ.

Шу қишлоққа келин бўлиб тушганимга 37 йил бўлди. Ушандан бери бир километрлик масофадан сув ташиб ичамиз, – дейди Зулайхо Мақсудова. – Сувга борсангиз, 2-3 соатсиз уйга қайтмайсиз. Чунки қудуқ олдида доимий равишда узундан-узоқ навбат бўлади. Утган йили маҳалла аёллари билан кўчаларга тармоқ тортиб беришда кўмак сўраб, туман ҳокимиятига бордик. Овора бўлганимиз қолди. Тайинли жавоб йўқ.

Қишлоғимиз аҳли ориятли, – дейди Озодахон Эрматова. – 1994 йилда табиий газдан узилдик, ҳеч қаерга «дод» деб бормадик. Йўларимиз асфальт кўрмаган. Аммо бирор жойга бориб, шикоят қилмадик. Маҳалла-кўй пул тўлаб, ўзимиз шағал ётқиздик. Аммо сув ташиб ичишдан чарчадик... Қишлоқдаги муаммолар бўйи-

ча «Капаянги» МФЙ идорасига бордик. Маҳалла фуқаролар йиғини раиси Илҳомжон Жалолов идорада йўқлиги боис у билан телефон орқали боғландик. Раис айни пайтда олисда экани, Капаянги 2023 йил давлат дастурига киритилганини айтди.



– Айни пайтда Устозлар кўчасидаги 143 та хонадонда 867 нафар, Бойтўпи кўчасидаги 119 та хонадонда 648 нафар аҳоли яшайди, – дейди «Капаянги» МФЙ раиси котиби Толибжон Шоҳиев. – Уларни қийнаб келаётган сув муаммоси бўйича ҳар йили таклиф берамиз, мурожаат қиламиз. Лекин таклифимиз ўтмайди. Бу муаммо қачонки қишлоқ «Обод қишлоқ» давлат дастурига тушсагина, ўшанда ҳал бўлиши мумкин.

Қишлоқнинг ёши катта отахон ва онахонлари билан сўхбатимиздан шу нарса аён бўлдики, қишлоқда туман масъуллари, сектор раҳбарлари иштирокида аҳоли билан учрашув ўтказилмаган, муаммоларни ўрганиш учун бирон-бир раҳбар келмаган. Ваҳоланки, бугунги раҳбарлар гарданига фақат кабинетда ўтирмасдан, жойларга чиқиб, аҳолини қийнаётган муаммоларни ўрганиш ва уларнинг ечимини топиш вазифаси юклатилган.

Жорий йил «Инсон қадрини улуғлаш ва фаол маҳалла йили» деб номланди. Тумандаги мутасаддилар бу эзу мақсаднинг моҳиятини нечоғли тушунишар экан, кўраимиз? Умид қиламизки, «Капаянги»да ўзгаришлар бўлади.

Жамшид ЭРГАШЕВ,  
«ISHONCH»



Тошкент вилояти

Ички туризм


## КЎХНА КЕНТ ТААССУРОТЛАРИ

Чирчиқ давлат педагогика институтини бошланғич касба уюшма кўмитаси томонидан фаол меҳнат қўлиб, кўпчилилик ҳурматига сазовор бўлган 50 нафар ходимнинг Самарқанд шаҳрига саёҳати уюштирилди. Улар Самарқанд шаҳрининг диққатга сазовор жойларида бўлиб, табарруқ масканларни зиёрат қилишди.

– Институт маъмурияти ҳамда касба уюшмаси бундай сафарларни жорий йилда ҳам тизимли давом эттиришни режалаштирган, – дейди институт бошланғич касба уюшма кўмитаси раиси Дониёр Зокиров.

Дилмурод ҚИРҒИЗБОВ,  
«ISHONCH»


## КЕЛГУСИ СОНЛАРДА ЎҚИНГ...



**МУРАККАБ  
«ЎЙИН  
ҚОЙДАЛАРИ»**



**БИРЛАШГАН ЎЗАР  
ёхуд кооперация яратаётган имкониятлар**



**«ЭҲТИЁТСИЗЛИК ОҚИБАТИ» ДЕЯ  
ТАВСИФЛАМОҚЧИ ЭДИЛАР...**





